

Asunto: Notificación de resolución
Destinatario: Concello de Touro Rúa Isabel II, nº 26, Fonte Díaz 15822 Touro (A Coruña)

Clave: DH.W15.98703

Expediente: Solicitud de autorización de obras de pavimentación de viario en Quintas dende a AC-240, muro en Sanguñedo e muros e senda en Banda de Arriba, no t.m. de Touro (A Coruña)

Solicitante: Concello de Touro

Asunto: Resolución

Antecedentes

1. Con data 08/02/2024, Roberto Castro Rocamonde, en representación do Concello de Touro, con NIF P1508600B, presentou a solicitude de autorización de obras referenciada.
2. Consta no expediente o xustificante do pago das taxas de tramitación.
3. Con data 09/05/2024 recíbese informe do Servizo de Patrimonio Natural.
4. Con data 23/05/2024 emítase informe favorable ao solicitado elaborado pola Empresa Pública Tragsatec no marco do encargo ENC.21002 de Servizo de Apoio a Augas de Galicia na tramitación de autorizacións de obras en zona de policía, servidume e dominio público hidráulico, concesión de augas, autorización de cortas, navegacións e sancionadores, no ámbito xeográfico da Demarcación Centro de Augas de Galicia que conta coa conformidade do órgano proponente.

Fundamentos de dereito

Primeiro.- Competencia para resolver

- Lei 9/2010, de 4 de novembro, de Augas de Galicia
- Decreto 32/2012 do 12 de xaneiro, polo que se aproba o Estatuto de Augas de Galicia.



Segundo.- Lexislación aplicable:

- Lei 39/2015, do 01 de outubro, do Procedemento administrativo común das administracións públicas
- Texto refundido da Lei de augas, aprobado por Real decreto legislativo 1/2001, do 20 de xullo (TRLA)
- Regulamento do dominio público hidráulico, aprobado polo Real decreto 849/1986, do 11 de abril (RDPH)

Terceiro.- Artigos de aplicación específica:

- TRLA: Artigo 2 (definición de dominio público hidráulico), Artigo 6 (zonas de afección nas marxes)
- RDPH: Artigo 78 (procedementos de tramitación de novas actividades e usos do solo en zona de policía), Artigo 78 ter. (autorización previa para actividades e usos do solo en zona de policía)

De acordo con todo o exposto, a xefatura do Servizo Territorial, PROPÓN:

Autorizar ó Concello de Touro, con NIF P1508600B, as obras previstas no proxecto de "Pavimentación de viarios en Quintás dende AC-240 e outros", de febreiro de 2024, que inclúe obras na zona de policía do rego de Prevediños ou Vilapedre e un rego innominado, rexistrados no sistema IDE-DHGC coas id 10037872 e 983640003269, respectivamente, nos lugares de Quintás e Sanguñedo, no t.m. de Touro (A Coruña).

Esta autorización axustarase ao disposto pola Lei de augas e polo Regulamento do dominio público hidráulico, ademais do cumprimento das seguintes condicións:

Xerais

1. As obras que se autorizan son as que se definen na documentación técnica que consta no expediente da clave referida, en canto non resulten modificadas polas presentes condicións.
2. Outórgase esta autorización sen prexuízo de terceiro e salvando o dereito de propiedade, coa obriga de executar as obras conservando as servidumes legais existentes.
3. Toda modificación das características da presente autorización requirirá a previa aprobación de Augas de Galicia.



4. A inspección e vixilancia das obras, tanto durante a súa construción como no período de explotación, estarán a cargo de Augas de Galicia, sendo por conta do beneficiario as remuneracións e gastos que por ditos conceptos se orixinen, segundo as disposicións vixentes.
5. Esta autorización queda suxeita ás disposicións vixentes, ou que no sucesivo se ditén, relativas a contratos e accidentes de traballo e demais de carácter social, así como en xeral ao cumprimento das disposicións vixentes en materia de pesca fluvial e ás prescricións específicas que lle sinala o ente competente en materia de calidade medio-ambiental, ante o que responderá do seu cumprimento.
6. O titular da autorización será responsable de cantos danos e perdas poidan ocasionarse a intereses públicos ou privados como consecuencia das obras que se autorizan, quedando obrigado á súa indemnización e a realizar os traballos que a administración lle ordene para a extracción dos cascallos vertidos ó leito durante a execución das mencionadas obras.

Será tamén responsable da conservación en bo estado das obras e instalacións que se autorizan.

7. Esta autorización poderá ser revogada polo incumprimento de calquera das súas condicións e nos casos previstos nas leis, declarándose a revogación por resolución motivada de Augas de Galicia, quen poderá adoptar as medidas que considere necesarias para garantir as condicións normais de desaugue e o respecto ás servidumes legais.
8. Esta autorización é independente de todas aquelas que, en virtude das disposicións legais vixentes, teñan que ser outorgadas por outros organismos ou administracións, e, en particular, da licenza municipal de obras.

Particulares

1. Autorízanse as obras previstas no proxecto de "Pavimentación de viarios en Quintás dende AC-240 e outros", de febreiro de 2024, que inclúe obras na zona de policía do rego de Prevediños ou Vilapedre e un rego innominado, rexistrados no sistema IDE-DHGC coas id 10037872 e 983640003269, respectivamente, nos lugares de Quintás e Sanguñedo, no t.m. de Touro (A Coruña), en canto non resulten modificadas polas presentes condicións.

As obras consisten en tres actuacións diferenciadas. En viarios de Quintás dende a AC-240, mellora dun viario nunha superficie total e 810 m² con 10 cm de zorra e 20 cm de formigón incluso mallazo e xuntas de dilatación, previa demolición do pavimento existente. Estas obras distan uns 25 m do curso de auga máis próximo. En



Sanguñedo, construción dun muro de pedras graníticas de 40x3 m sobre o que se colocara unha banda de dobre onda, ampliando a plataforma nuns 0,50 m, a carón dunha obra de drenaxe e curso de auga existente. O pavimento afectado repararase con 20 cm de zahorra, 15 cm de grava, tratamento asfáltico semiprofundo, tratamento asfáltico superficial e rego de selado. En Banda de Arriba, mellora de dous treitos de 15x1,5 m e 20x1,5 m con 25 cm de zahorra e 20 cm de formigón. Para a garantir a estabilidade será necesario a construción dun muro de pedras graníticas de 20x2 m e dun muro de formigón de 2,5x1 m. Esta última actuación non se localiza en zona de policía.

2. Tanto durante a execución dos traballos como trala súa terminación, adoitaranse todas as medidas necesarias para evitar arrastres de calquera tipo de produto, sustancia ou material resultante cara ás correntes de augas.
3. As obras realizaranse preferentemente en tempo seco, e tomaranse todas as medidas precisas para impedir o arrastre de finos ou calquera outra substancia susceptible de contaminar as augas, recorrendo, de ser preciso, mesmo a sistemas tales coma ataguías ou barreiras antiturbidez.
4. No caso de observarse a presenza de especies vulnerables como a *Oxygastra cursivei*, *Rana ibérica* e *Chioglossa lusitanica*, deberán poñerse en contacto co Servizo de Patrimonio Natural para concretar as medidas de protección a seguir.
5. Deixarase en todo momento expedita a zona de servidume para uso público, consistente nunha banda de 5 m de ancho, medidos a partir do bordo ocupado polas augas nas máximas enchentes ordinarias.
6. Evitarase o toldamento das augas pola demolición de materiais ou operacións complementarias que teñan lugar nas proximidades do leito do río.
7. Prohibirase a corta ou destrución da vexetación arbustiva ou arbórea de ribeira, agás que conte con autorización específica para estes traballos.
8. Durante a fase de construción extremaranse as precaucións coa retirada de todo tipo de cascallos e material de refugallo das marxes, co obxecto de reducir posibles alteracións na calidade da auga circulante ou na capacidade hidráulica da canle.

De xeito especial, prohíbese expresamente verter no propio leito do río restos de formigón ou cemento, ou lavar materiais ou ferramenta que estiveran en contacto con eles, así como cambio de aceite de maquinaria de construción.

Non se depositarán na zona de servidume nin en lugares próximos ningún tipo de material que poida incorporarse ao río por escorrentas ou cheas.



- Os residuos xerados durante a construción terán que ser trasladados a vertedoiro de residuos de construción autorizado.
9. Una vez rematadas as obras ou durante a súa execución, en todas aquelas zonas que dalgún xeito sufrisen unha degradación (tránsito de maquinaria pola zona de policía) procederáse á súa rehabilitación, descontaminando a terra e, se for preciso, aportando terra vexetal, sementando, plantando, etc. ata conseguir a súa situación primitiva.
 10. O prazo para a realización das obras ou traballos é de VINTE E CATRO (24) MESES contado a partir da data de recepción desta resolución. Finalizado este prazo extinguirase a validez da autorización, a non ser que se solicite e obteña unha prórroga antes do esgotamento do prazo.
 11. Rematadas as obras, comunicaráse a Augas de Galicia, que procederá ao seu recoñecemento final nos casos en que considere oportuno.

Santiago de Compostela, o xefe do Servizo Territorial – Jesús Antonio Manrique Merino (Sinatura dixital)

Visto o exposto, a Comisaría de Augas, de conformidade co establecido no Artigo 17 do Decreto 32/2012, do 12 de xaneiro, polo que se aproba o Estatuto de Augas de Galicia, eleva á Dirección de Augas de Galicia a proposta de resolución relativa á Autorización a Concello de Touro, con NIF P1508600B.

Santiago de Compostela – o comisario de augas - Roberto Arias Sánchez (Sinatura dixital)

De conformidade co artigo 15.3 da Lei 9/2010, do 4 de novembro de Augas de Galicia, RESOLVO OUTORGAR a autorización ó Concello de Touro, con NIF P1508600B.

Contra esta resolución, que non esgota a vía administrativa, poderá interpor recurso de alzada ante a presidencia de Augas de Galicia no prazo DUN (1) MES a contar dende o día seguinte á súa notificación, de conformidade cos artigos 121 e 122 da Lei 39/2015, do 01 de outubro, do Procedemento Administrativo Común das Administracións Públicas. Para o suposto de ser un suxeito obrigado a relacionarse a través de medios electrónicos coas Administracións Públicas ou de optar por este medio, o recurso deberá ser interposto a través da sede electrónica da Xunta de Galicia



(<https://sede.xunta.gal/portada>) empregando o formulario normalizado dispoñible (IF321D - <https://sede.xunta.gal/detalle-procedemento?codtram=IF321D&ano=2020&numpub=1&lang=gl>).

Santiago de Compostela, a directora de Augas de Galicia – Roi Fernández Añón (Sinatura dixital)

